

UNIVERZITET U TUZLI  
Broj: 01-75-JN-10/22 LOT 1  
Tuzla, 22.08.2022. godine

Na osnovu članova 69. 70. i 71. Zakona o javnim nabavkama BiH («Službeni glasnik BiH» broj: 39/14) i člana 65. stav (1) tačka r) Statuta JU Univerziteta u Tuzli broj: 03-730-1/17 od 03.02.2017. godine, a nakon razmatranja Zapisnika Komisije o pregledu i ocjeni ponuda broj: 01-75-JN-9/22 LOT 1 od 18.07.2022. godine, po punomoći Rektora Univerziteta u Tuzli broj: 01-2593-1/20 od 11.06.2020. godine, Direktor za ekonomske poslove donio je

## **ODLUKU** **o poništenju postupka javne nabavke**

### **I**

Poništava se otvoreni postupak javne nabavke građevinskih i elektro radova na uređenju laboratorijskog kompleksa Mašinskog fakulteta u objektu KN 151-Kampus Univerziteta u Tuzli LOT 1 iz razloga što primljena ponuda nije prihvatljiva.

### **II**

Ova Odluka stupa na snagu danom donošenja.

### **Obrazloženje**

Univerzitet u Tuzli pokrenuo je postupak javne nabavke građevinskih i elektro radova na uređenju laboratorijskog kompleksa Mašinskog fakulteta u objektu KN 151-Kampus Univerziteta u Tuzli LOT 1 putem Otvorenog postupka javne nabavke broj: 01-75-JN-2/22 od 09.06.2022. godine objavljenom na Portalu javnih nabavki „E-nabavke“ broj: 795-1-3-46-3-72/22 od 17.05.2022. godine, web stranici Univerziteta i „Službenom glasniku BiH“ broj: 41/22 od 24.06.2022. godine.

U ostavljenom roku ponudu je blagovremeno dostavio samo ponuđač „Astra plan“ d.o.o. Brčko Distrikt.

Pregledom dostavljene ponude Komisija je konstatovala provjerom računске ispravnosti ponude uočena je računska greška u krajnjem zbiru tabele B/ZANATSKO GRAĐEVINSKI RADOVI što je uticalo na konačnu cijenu ponude. Ponuđaču je u skladu sa tačkom 16. Tenderske dokumentacije upućen dopis za ispravku računске greške broj: 01-75-JN-7/22 od 13.07.2022. godine. Ponuđač „Astra plan“ d.o.o. Brčko Distrikt je dostavio odgovor na upit broj: 01-75-JN-8/22 LOT 1 od 14.07.2022. godine kojim je potvrdio ispravku računске greške i konačne cijene ponude na iznos 80.133,00 KM bez PDV odnosno 93.755,61 KM sa PDVom.

Nadalje, ponuđač „Astra plan“ d.o.o. Brčko Distrikt dostavio sve zahtijevane dokaze tražene tačkama 3. i 4. Tenderske dokumentacije, zbog čega je ocijenjen kvalifikovanim za dobro obavljanje posla ali Obrazac za cijenu ponude nije popunjen u skladu sa uslovima postavljenim u tenderskoj dokumentaciji. Ponuđač u koloni 6. Obrazca za cijenu ponude ne navodi proizvođača, marku i tip za stavke navedene u koloni 1. Opis pozicije. U tenderskoj dokumentaciji u NAPOMENI Obrazca za cijenu ponude pod rednim brojem 2. jasno je navedeno da ukoliko u koloni *opis pozicije* nije naveden proizvođač, marka i tip je potrebno navesti šta se nudi. Nadalje, odobreni budžet za ovu nabavku iznosi 68.600,00 KM bez PDV-a, a ukupna cijena ponuđača u iznosu od 80.133,00 KM bez PDV-a značajno prelazi odobreni budžet i to 16,81%.

Zbog navedenog ponuda ponuđača „Astra plan“ d.o.o. Brčko Distrikt se odbacuje kao neprihvatljiva.

Imajući u vidu sve naprijed navedeno Komisija je dala preporuku da se predmetni postupak javne nabavke poništi u skladu sa odredbom člana 69. stav (2) tačka d) Zakona o javnim nabavkama BiH.

Cijeneći izneseno te činjenicu da je u ovom postupku nijedna ponuda nije prihvatljiva, po punomoći Rektora Univerziteta u Tuzli, Direktor za ekonomske poslove prihvatio je preporuku Komisije i odlučio kao u dispozitivu ove Odluke.

